

AWEMainta

E DIFERENCIA DEN NOTICIA

TRABOU DI REVITALISACION DEN AREA DI WILHELMINASTRAAT TA CONTINUA



SPOOKAMBTENAREN NO TA PROBLEMA

**EXIGIENDO "BONUS"
PA DUNA PERMISO T'E
PROBLEMA SERIO**

CARTA HABRI

RYÇOND DO NASCIMENTO:
**E MENASA PA NOS PUEBLO DI
PERIODISMO PARTIDARIO Y E
EHMPEL DI E PROGRAMA ENFOKE**

FALTA DI LUGA PA CERA HENDE

**CRISIS SERIO
DEN LUCHA CONTRA
CRIMINALIDAD Y GOBIERNO**




Stop Searching!

M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



Spookambtenaren no ta problema

Exigiendo “bonus” pa duna permiso t’e problema serio

YA ta algun aña cu e asunto di “*spookambtenaren*” a bira un asunto politico hopi serio caminda hasta a presenta e tema aki den varios caso hudicial, buscando pa “*frame*” e gobernantenan pa saca probecho politico cu e persecucion politico aki.

AWEMainta ya caba a yega di publica articulo relaciona cu esaki mustrando cu na momento cu ta uza e palabra di “*ambtenaar*” ya no por yama ningun di nan spirito ya cu tur “*ambtenaar*” den servicio di gobierno, mester ta legalmente registra cu e ta den servicio y ta wordo controla pa diferente departamento.

Ta un echo cu a transforma e tema aki den un punto pa saca probecho politico y ningun caminda a para un rato keto pa defini si realmente por existi “*spookambtenaren*” ya cu ta dificil pa nan wordo registra y ta ricibi salario pa nan trabou.

Normalmente e trahadonan aki cu for di hopi tempo tabata conoci como coordinado den servicio di e Ministerian di un gobierno, tambe ta cobra salario pa cual legalmente tin permiso pa esaki, cu aprobacion di tanto Consejo di Minister, DRH y tambe finalmente Departamento di Finansa.


A gasta miyones di florin pa haci investigacion contra varios ex-Minister y ta placa gasta cu practicamente no a produci mucho algo concreto den loke tabata e intencion tras di e ‘*acusacionnan politico aki*,’ ya cu practicamente tur Minister di diferente gobierno, mester haci uzo di coordinado cu ta trahado cu tin cu bay ora cu e mandatario no ta na mando mas.

ALGO SERIO

Loke si a bin ta tumando luga y cu den futuro, kisas den un gobierno nobo cu tin cu tuma luga, ta loke na Merca e Departamento di Estado a yega di cataloga como “*white collar crime*” cu ta e funcionarionan di gobierno cu ta pone presion riba hende pa paga un tipo di bonus p’asina nan por regla un of otro permiso mas rapido posibel.

Si no tin bonus e peticion di permiso ta keda colga eynan te ora cu e solicitante “*come across*” p’asina nan gana algo extra c’un servicio cu supuestamente nan mester duna na tur momento.

Aki na Aruba no ta diferente ya cu pa hopi aña largo varios departamento di gobierno tin funcionario publico cu ta tuma placa bou di mesa pa procesa un of otro permiso cu mas rapidez y esun cu no paga ta mira cu e periodo di warda ta



bira algo hopi largo mes.

Diferente departamento di gobierno ta conoci pa e tuma-mento di “*bonus*” aki, caminda esaki ta conoci na momento di procesamiento di permiso, sea directamente of indirectamente y ta un di e departamentonan cu hopi hende a yega di gana placa cu esaki.

Mesun cos a sosode pa hopi aña den henter e proceso di dunamento di tereno di gobierno pero tambe pa cierto permisonan cu ta regarda permit pa construccion, aprobacion di mapa di cas of edificio, caminda na momento un persona pone placa riba mesa pa nan wordo atendi mas rapido posibel, esaki ta sosode tambe.

Un ciudadano cu no tin e luho aki pa duna algo bou di mesa, lo ripara tambe con largo e proceso pa haya permiso ta tuma luga y recientemente principalmente e inversionistanan ta papia di e asina yama “*red tape*” cu tin den departamentonan di gobierno, cu ta tranca inversion importante cu mester tuma luga ya cu tin funcionario cu kier mira placa adicional pa cumpli cu nan trabou.

Proximo gobierno tin cu atende cu e asuntonan aki, haci un investigacion pa caba cu e tipo di manipulacion aki, ya cu no ta forma di procede y sigur no di funcionario cu ta huramenta di ehecuta nan trabou “*naar eer en geweten*.”

CARTA HABRI

Headlines Group (24ora.com)
Pa atencion di Sr. Patrick Paskel
Wilhelminastraat 19
Oranjestad

Dialuna, 8 di april 2024

Suheto: E menasa pa nos pueblo di periodismo partidario y e ehempel di e programa Enfoke

Apreciabel señor Paskel,
Banda di 24ora y Enfoke, Edmond Croes ta keda chikito ora ta trata di bin cu storia sensacional, e scandalonan di mas grandi, crimennan impactante, redo y otro temanan cu ta mishi cu emocion. Abo cu Speed ta provocativo, pret, humoristico y ta papia “caya”. Pero, a pesar di boso pretension di ta trece informacion veredicto y imparcial, boso ta hopi leu ainda di periodismo di calidad y ainda mas leu di e principionan di e “Global Charter of Ethics for Journalists”.

Boso reportahenan troci ta causando cu awe hopi hende no sa cu Paul Croes ta cera pa motibo di corrupcion y en particular soborno. Pa motibo di boso desinformacion hopi hende no sa cu Benny Sevinger su sentencia di dia 14 di april 2023 tambe ta encera corrupcion den forma di soborno. Bo no por comete soborno si no tin un funcion involvi. Pero danki na boso campaña di engaño awe hende cu ta suppose di sa miho, manera Duke Croes, ta kere cu e sentencianan di Paul y Benny solamente tin di haber cu algo chikito den cuadro di e fundacionnan pa nan campaña. Hopi hende ni sikiera sa cu ta trata di malversacion.

Caramba Patrick, bo ta suppose di sa cu periodismo sensacionalista partidario ta un peligro pa nos democracia y nos estado di derecho. Nos leynan y sistema hudicial ta esencial pa un sociedad stabiel. Sin embargo, abo y Speed ta uza boso plataforma pa erosiona e confianza di pueblo den nos institucionnan hudicial.

Pa colmo Patrick, bo ta gaña pueblo cu loke bo ta bisa, bo ta bisa cu prueba. Haci loke bo ta bisa y no manera bo a bin ta haci durante Enfoke. Un ehempel ta e programa di dia 4 di april 2024 ora bo persona a declara cu e condenanan di Paul y Benny solamente tin di haber cu nan fundacionnan di campaña. Esey ta un mentira y bo sa. Djis lesa nan sentencia bek pa bo comproba cu ta trata di corrupcion y soborno (ECLI:NL:HR:2023:167 y ECLI:NL:OGEEA:2023:7).

Loke ta mas condenabel ta cu di e forma aki abo hunto cu Speed a bira boca y microfon pa Mike Eman cu ta encabesando un campaña di mentira. Boso a bira complice di e indiferencia total di AVP pa cu e bienestar di un pueblo cu tin mester di leynan y un sistema hudicial pa tin futuro.

E no ta duna boso berguensa cu boso ta bezig cu periodismo irresponsabel cu ta buscando voto pa AVP, manipulando informacion pa logra control psicologico di pueblo? Pa colmo boso ta trigger emocion pa hende no activa nan mesun pensamiento critico. Periodismo responsabel ta rekeri verificacion di informacion, specialmente encuan to temanan delicado. Ofrece un variedad di perspectiva tambe ta crucial. Boso gran audiencia ta



confia cu boso informacion ta por lo menos un tiki fiel y berdadero, pa asina nan por tuma nan decisionnan informa. Pakico mi mester recorda boso cu algun siman pasa caba boso tabata pushando Gerlien Croes, dunando splicacion erroneo encuan to nosCodigo di Procedimento Penal Nobo? Si boso a prepara boso programa na drechi, boso por a haci pregunta serio na Gerlien, en bes di haci e blunder di dun'e plataforma comosifuera cu e ta un gran experto den ley y derecho humano.

Boso por miho. Boso por eleva e nivel di periodismo si di buena fe boso cuminsa duna prioridad na e verificacion di informacion, prome cu boso ta bisa of publica algo. Esey ta encera cuestiona Mike Eman of cualkier otro politico cu preguntanan skerpi, pa asina pone e berdad riba un pedestal. Periodismo di calidad tambe ta encera presenta un gama mas amplio di perspectivanan riba temanan manera esun di e sistema hudicial di Aruba. Asina e ciudadano mes por tuma su conclusion.

Periodismo di calidad no por ta complice di un campana politico cu di mala fe kier debilita nos Ministerio Publico y cu ta obstaculisa cu politiconan ta duna cuenta na husticia. Prensa, incluyendo 24ora, tin un responsabilidad grandi pa fortalece nos democracia. Ley ta un expresion di e bos di pueblo. Tur politico mester respet'e. Ministerio Publico mester investiga su cumplimiento y hues mester castiga esun cu ta viol'e.

Atentamente,
Ryçond do Nascimento.

EDITORIAL

Hipocresia

HOPÍ tabata e consternacion siman pasa pa motibo di un suceso cruel y lamentabel cu a crea un ola grandi di critica y di indignacion.

Maltrato di e cacho aki Khalisee, a shock no solamente nos pueblo di Aruba pero hopi tawata e reaccionnan negativo for di Merca. P'esnan cu no tabata sa, mayoria fundacion pa bienestar di animalnan na Aruba ta depende ariba donacion ya cu subsidio di gobierno ta minimo of simplemente no ta existi, y gran parti di e donacionnan aki ta bin for di Merca. Bo por imagina nan rabia ora nan a haya e noticia desagradabel aki. Esaki t'e imagen cu nos kier duna nan?


Hipocresia

No ta di awe tin caso nan tristo asina ta pasa na Aruba. Hopi ta e fundacionnan cu tin años ta gritando y sclamando pa yudansa sin haya esaki. Cacho y pushinan cu ta wordo bandona sin awa of cuminda, esey no ta maltrato anto? Animalnan cu ta riba caya sacando cria tras cria paso no tin consecuencia pa personanan irresponsabel, cu no ta cuida nan y no ta interesa den un mascota, cu si e animal tin suerte mes cu el a wordo stima un dia, pero a bira un estorbo cu por wordo tira na un luga leu di nan cas. Esey no ta maltrato? Casonan asina no ta sali den prensa of den social media, casi niun hende ta worry cu e animal nan aki? E caso di Khalisee ta hopi penoso berdad, pero no ta husto pa uza e caso aki pa haci politica of haci show cu ne, djis pa otro siman ya ningun hende no ta worry cu e miles di Khalisee nan riba caya. Esaki bo ta yama hipocresia.

Otro tema cu ta hala hopi atencion ultimo simannan aki y tin Aruba bastante dividi, t'e tratamiento di e ley di matrimonio di mesun sexo den Parlamento. Un tema hopi dificil pa ambos banda, pa locual ta trata e diferencianan den opinion. No obstante e motivacion di cada ken nan opinion, un grupo grandi di nos comunidad lo sali herida emocionalmente for di e reunion aki. Awendia ta dificil pa un persona na Aruba no tin ni un famia of amistad cu ta pertenece na e comunidad LGBTQ+ aki.

Hipocresia

Varios ta esnan cu ta uzando religion y Iglesia como hustificacion pa nan opinion. Tur hende tin derecho riba nan opinion, tur hende tin hasta e derecho pa expresa nan opinion libremente. Locual no ta na su luga ta pa husga un persona pa su



pensamento y creencia.

No ta na su luga pa sconde tras di religion pa defende un punto di bista si bo mes como persona no ta cumpli completamente cu locual bo ta predicando. Misa y Iglesianan ya no ta yen manera antes mas. Sacerdote y Pastoornan ta haya nan mes ta bira creativo y ta adapta y modernisa nan predicashi pa asina por logra atrae nos comunidad, e mesun comunidad cu awe ta punta dede sin wak su mes den spiel.

Di otro banda un persona cu no ta creyente of religioso, cual tambe ta su derecho, tampoco tin e derecho pa husga un persona cu si ta kere y kisas no ta perfecto pero ta haci su esfuerzo maximo den su manera pa tin un miho relacion cu su Dios.

No ta factibel pa bringa pa un derecho di un, mientras derecho di otro nan ta ser trapa, como argumento pa hustifica opinion of creencia. Ningun hende kier pa otro hende impone nan pensamiento of manera di biba riba nan, pues no impone bo pensamiento y manera di biba riba otro.

No obstante bo pensamiento riba cualkier tema, no sea hipocrita!

Falta di luga pa cera hende

Crisis serio den lucha contra criminalidad y gobierno

GABINETE Wever Croes I y II lo drenta historia politico di pais Aruba, como administracionnan cu no tabatin solucion pa atende cu problemanan serio cu cual e pais ta wordo confronta cu nan.

Ya caba por mostra cu lunanan ta pasa bay, hasta añanan ta pasa bay pero Gabinete Wever Croes II no tin solucion ainda pa un di e problemanan mas serio y grandi cu e pais aki ta wordo confronta cu'ne, cu ta e planta di purificacion di awa di riool di Bubali.

RWZI ta un problema cu ta birando of ya ta caba un tipo di *"time bomb"* cu lo por afecta turismo di Aruba formalmente y mientras cu ya 2024 a mira tres luna pasa bay sin cu tin un solucion pa atende cu e planta aki, ta parce cu gobierno y e Minister encarga no tin solucion pa e asunto serio aki.

Tin otro crisis serio pa loke ta e imagen cu e capital di e isla ta confrontando, c'un Minister cu simplemente no tin solucion pa atende cu e decadencia serio cu tin den centro di Oranjestad, caminda turistanan cu ta cana rond tur dia, ta keda babuca di un centro decai, sushi y mal mantencion.

Pa colmo esaki pa un gobierno cu a logra un surplus di 200 milyon florin den 2023 pero a pesar di tur e noticia positivo aki, Gabinete Wever Croes II ta parce di tin mandatarionan cu no tin idea kico pa haci y con pa yuda e pais aki.

E problema mas serio sinembargo ta e crisis serio cu tin den e lucha contra di criminalidad, caminda tanto e Minister di Husticia como su gobierno, ta mostra di no tin solucion pa loke ta e scarsedad di cel pa cera hende, ya cu na KIA no tin espacio y tampoco tin luga na warda nan di polis.

Dos siman atras autoridadnan a pone man riba un cargamento grandi di droga, tanto cocaina como marihuana caminda a logra detene como 8 sospechoso cu kier a introduci

droga na Aruba pero e grupo aki a ser cera na celnan di warda nos costa, sperando pa nan ser deporta pa e pais di origen, sin cu nan a para dilanti di Hues pa nan ricibi castigo pa esaki.

Aña pasa un caso igual caminda un cargamento mucho mas grandi a ser confisca pero den un periodo cortico di un siman, tur persona deteni a ser expulsa for di Aruba y no a ser sometido na e man duro di e sistema hudicial.

No ta awor ta papia cu KIA ta demasiado yen, no ta siman pasa y tampoco aña pasa pero ta for di algun aña caba pa scucha cu no solamente e prizon ta den mal estado pero cu un falta di suficiente cel pa cera delincuentenan, ta masha scars.

Recientemente a detene un taxista cu a hinca un colega di dje na aeropuerto y el a keda un dia deteni, pa duna su declaracion y e siguiente dia el a ser manda cas ya cu no tin luga pa cera e persona aki.

Asina tin un lista largo di hendenan cu realmente mester ta den prizon, ta canando liber mescos cu nan no a haci algo criminal pa wordo deteni y aki tin cu mostra cu tin hendenan deteni pa asuntonan menos serio pero husticia ta prefera di permiti un persona cu a agredi un otro persona c'un arma blanco, bay cas ya cu pa falta di espacio, ta pueblo tin cu core riesgo grandi cu e tipo aki por bolbe comete un acto asina.

Memey di tur e situacionnan delicado aki, no ta mirando ningun delegacion di gobierno bayendo Hulanda pa busca un solucion pa asina atende cu e asuntonan super delicado aki y e incapacidad aki por conduci na situacionnan cu lo bay causa hopi daño na nomber di e pais.



**NEW TIRES
IN STOCK**

**VISIT US TODAY
AND SAVE.**

Shaba ☎ 5870621 Sta. Cruz ☎ 5834363 Cura Cabai ☎ 5845046

NAPA
ARUBA



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Minister Ursell Arends:

Extension Consulta Publico pa Derecho di Naturalesa

Pueblo por duna nan aporte n'e propuesta di e Ley te cu dia 21 di april 2024

BAO liderazgo di Minister Ursell Arends, encarga cu proteccion di naturalesa, a inicia un serie di sesionnan di consulta publico encuanto e introduccion di Derecho di Naturalesa den nos constitucion. E esfuersonan aki ta refleha un paso grandi den e reconocimiento y proteccion di e derecho fundamental di naturalesa pa existi y prospera.


E sesionnan di consulta a tuma luga e ultimo dos siman cual a inclui participacion di e publico en general, gremionan comercial, abogado, y hues, conhuntamente cu Directie Natuur en Milieu. Durante e sesionnan a discuti cada articulo di e proposicion di ley detayadamente, colectando e punto di bista y sugerencianan di participantenan. A enfoca riba dialogo abierto y p'asina ricibi feedback constructivo. Minister Arends a pone enfasis ariba e importancia di inclui un variedad di gruponan di interes den e proceso di desaroyo di e ley, sigurando cu e legislacion final ta representativo di e deseo y necesidad di e comunidad di Aruba.

E proceso di consulta ta continua riba plataforma digital. Esnan interesa por lesa e propuesto di ley y comparti nan opinion y sugerencianan pa medio di e formulario online disponibel riba www.publico.aw/consulta/. E feedback di e comunidad lo yuda forma e base pa un ley mas fuerte y efectivo.

Pa fomenta un nivel mas amplio di participacion y transparencia, e deadline pa entrega di feedback a ser extendi te cu dia 21 di april, dunando e comunidad mas oportunidad pa aporta n'e desaroyo legislativo. E fecha di 21 di april ta un dia prome cu e celebracion di dia di mama tera, y ta marca un aña desde cu e iniciativa legislativo aki a ser entrega.

"E iniciativa aki ta mas cu legislacion; e ta un declaracion di nos compromiso colectivo pa respeta, proteha, y trece naturalesa y desaroyo den balans pa nos Pais," segun Minister Ursell Arends.

Ministerio di Naturalesa ta compromete pa continua trabou den un forma transparente y colaborativo, y ta agradecido pa e apoyo y contribucion di cada stakeholder y miembro di comunidad.



Minister Geoffrey Wever ta anuncia continuacion di trabou di revitalisacion den area di Wilhelminastraat



E proceso di revitalisacion di e area cerca di Colombusstraat y Wilhelminastraat na Oranjestad ta continua, cuminsando e diaranson binidero cu inicio di e segundo fase di e proyecto. E plan aki tin como meta pa transforma e area aki den e distrito culinario “par excellence” di e ciudad, mehorando asina e estetica, accesibilidad y su funcionalidad tanto pa localnan como pa bishitantenan.

E prome fase di e proyecto a keda completa satisfactoriamente, poniendo e fundeshi pa un renobacion integral di e area. Awor, e segundo fase ta bay sigui, cu un enfoke particular riba e mehoracionnan planea, cual ta inclui creacion di mas espacio pa peaton, ampliacion di e area di parkeo pa acomoda e usuarionan, instalacion di mas ‘standplaats’ pa taxi, y miho iluminacion publico pa aumenta e nivel di seguridad den e area.

Durante e periodo di trabou di renobacion, lo cera parcialmente Wilhelminastraat. Minister Geoffrey Wever ta haci un yamada special pa cooperacion di tur esnan cu ta transita e caminda aki, como tambe pa e comerciantenan, pa facilita e realisacion di e obranan aki cu ta importante pa revitalisa e area. E proyecto no solamente lo mehora e infraestructura y estetica di e sitio, pero tambe ta spera di impulsa e economia local a traves di aumento di turismo y consumo den e negoshinan den e area.

“E proyecto di revitalisacion aki ta un testigo di e compromiso continuo cu desaroyo urbano sostenibel y mehora-

cion di calidad di bida di e ciudadanonan y bishitantenan di Oranjestad”, segun Minister Geoffrey Wever.

Na su conclusion, ta anticipa cu e area di Columbusstraat y Wilhelminastraat lo por posiciona su mes como un centro vibrante culinario y social cu lo atrae un “spectrum” amplio di hende, for di localnan te turistanan, contribuyendo significativamente n’e dinamismo y diversidad cultural di e ciudad.

CLARIFICACION DI RUMORNAN

ARUBA Lions Club ta un di e clubnan di servicio cu mas di 75 aña na Aruba sirbiendo comunidad. Aruba Lions Club kier clarifica rumornan reciente circulando den comunidad riba un persona involvi cu maltrato di un cacho bou di e nomber Khalisee, cu e persona aki **no ta forma parti of tin vinculo** cu Aruba Lions Club.

Lions Club Internacional y sigur Aruba Lions Club ta para pa proteccion di hende y animal, cu ta un di e aspectonan fundamental cu Aruba Lions Club ta concentra riba dje. Aruba Lions Club ta spera di por a clarifica tur e rumornan aki y lo sigui traha pa sirbi comunidad. Miembronan di Aruba Lions Club.

A los algun tiro di advertencia

Polis na careda tras di homber cu machete den area di hotel



DIADOMINGO marduga, polis a ricibi informe cu lo tabatin un pelea caminda tabatin arma blanco envolvi, esta machete, den parkeerplaats di un zona di gran actividad, cerca di e high-rise hotels.

Sin perde tempo, a manda varios unidad di polis p'asina atende cu e situacion. Na nan yegada, por a tuma nota cu e hendenan cu a aglomera ya a bandona e sitio. Pero dado momento, nan a mira un homber cu un machete den man. A sigui un persecucion na pia.

No a tarda hopi cu a logra detene e sospechoso y a confisca e machete. Tin di remarca cu durante e persecucion polis a los algun tiro di advertencia p'asina yama e atencion di e agresor, p'asina e por para den su careda.

Asina polis a logra detene y hib'e warda di polis, pa e duna cuenta na fiscal auxiliar, kende lo a dicidi su suerte e momento ey.


Bin bishita nos y probecha!

Paña di bon calidad na bon prijs.



Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Daño material basta formal durante accidente riba Watty Vos Boulevard



DIASABRA marduga, pa mas of menos 5'or di mainta, chauffeur di un Ecosport a perde control riba su vehiculo ora cu e tabata transita riba Watty Vos Boulevard den direccion di rotonde di Paperclip na Sero Patrish.

Segun declaracion di e chauffeur, un otro auto a pasa su dilanti di golpi, cu a haci cu el a pone desvia, pero a termina ta subi parti memey di e caminda, cu e consecuencia cu el a perde control y a subi n'e banda di trafico contrario.

Danki Dios cu ningun hende a resulta herida den e incidente aki. Sinembargo, daño material causa n'e auto tabata basta serio cu mester a pidi intervencion di un takelwagen pa por kita e auto fo'i caminda.

Polis di trafico a registra e accidente aki y a tuma tur detaye disponibel.

Na Santa Cruz

A perde control y a dal contra cura di cas



UN Honda Integra colo preto a perde control y a bay dal den un cura di cas na Santa Cruz. Esaki a sosode riba diasabra, den careda di 4'or y mey di atardi, ora cu e chauffeur tabata transitando riba caminda di Macuarima pa Urataca.

Mirando cu tabatin hende herida, a pidi asistencia di ambulance pa tratamento medico. A hiba e herido hospital despues pa ricibi tratamiento medico avansa.

Mientras tanto polis n'e sitio a constata cu e auto envolvi den e accidente no tabatin su papelnan di seguro na ordo. Awo e chauffeur ta hay'e pa paga e daño haci n'e cas.

TRUCK TIRES

ALSO IN STOCK

**VISIT US TODAY
AND SAVE.**

Shaba
☎ 5870621

Sta. Cruz
☎ 5834363

Cura Cabai
☎ 5845046



Pyroman activo un biaha mas na Moko



UN biaha mas, e habitantenan di e bario di Moko a bira victima di huma procedente di un candela basta grandi.

Segun informacion, diahuebs atardi, den careda di 6'or, unidad di bombero a bay den direccion di e bario p'asina combati e candela y evita cu algun cas den e vecindario a pega candela.

Na nan yegada a bin topa cu un mondi bastante kima y pocopoco esaki tabata expande n'e casnan den vecindario.

No ta mucho dia pasa tabatin candela den Moko, cu a haci cu e habitantenan tabata man na cabes, pasobra nan no sa ki dia e fenomeno aki lo caba.

Awo atrobe pyroman ta activo ta causando molester den vecindario y lo mas tristo ta, ningun hende no sa ken e ta, Lo ta bon pa tin vigilancia den e bario pasobra den pasado, e bario no solamente tabata sufri di mondi na candela, pero tambe ladroncia den nan cas.

Ta conoci cu no mucho leu tin varios adicto ta biba y tin biaha djis pa pret, nan ta cende un ke otro mondi na candela. Ta di spera cu autoridad por tin man duro riba e caso aki di e manera aki evita cu algo pio por pasa den e bario.

Mientrastanto, bombero a sa di paga e candela di mondi aki.



Miles di meteorito ta desaparece den ijs di Antartica debi na cambio climatico

MILES di meteorito ta desaparece den e ijs di Antartica (Zuidpool) tur aña pa motibo di e efectonan di cambio climatico, cu ta genera preocupacion entre e científiconan p'e perdida di informacion valioso riba historia di e sistema solar. Antartica, particularmente su regionnan cu area grandi di 'ijs blauw' sin capa di sneeuw, pa hopi tempo tabata un luga ideal pa colecciona e barancanan extraterrestre aki. Durante varios decada, e investigadonan a acumula un coleccion di mas cu 45.000 meteorito for di e continente.

Sinembargo, estudio recien publica den Nature Climate Change ta revela un tendencia preocupante. Aproximadamente 5.000 meteorito ta baha anualmente door di e ijs Antartico, superando e cantidad di descubrimiento nobo. E investigado principal, Veronica Tollenaar, ta splica cu hasta na temperatura bou di zero, e meteoritonan di colo scur ta wordo absorbe suficiente luz di solo pa dirti e ijs bou di nan, haciendo nan casi imposibel pa detecta unabes cu nan baha algun centimeter bou di e superficie.

E implicacion di e fenomeno aki ta extende mas aleu di e comunidad científico. Meteorito ta sirbi como archief invaluable di e sistema solar, ofreciendo informacion tocante composicion planetario y origen di bida riba Tera. Harry Zekollari, un glaciologo di Vrije Universiteit Brussel, ta enfatisa e importancia pa colecta meteorito prome cu nan desaparece completamente. E ta compara e esfuerso aki cu preserva e gletsjernen cu ta dirti of studia e rifnan di coral prome cu nan desaparece.

E proyeccionnan ta sugeri cu si e tendencionan climatico actual persisti, te cu tres kwart di tur meteorito por desaparece pa 2100. Sinembargo, limita e aumento di temperatura global na 1.5 pa 2 grado Celsius por mitiga e perdida aki, sigurando e preservacion di e tesoronan científico aki. Mas aleu di salvaguardia e coleccionnan di meteorito, frena cambio di clima ta ofrece beneficio adicional,



Foto: Katherine Joy / The University of Manchester

manera reduci e dirtimento di e ijs Antartico y mitiga aumento di nivel di lama.

Den reaccion riba e resultadonan aki, e científiconan ta boga pa medida proactivo pa salvaguardia e coleccionnan di meteorito y atende cu cambio di clima. Priorisando e preservacion di e artefactonan extraterrestre aki, e investigadonan ta spera di haya mas conocimiento di e misterionan di e sistema solar y, na mes momento, salvaguardia e futuro di e planeta.

**NEW TIRES
JUST ARRIVED
VISIT US THIS WEEK**

**NAPA
ARUBA**

Sospechoso di terrorismo aresta na Italia despues di vuelo for di Eindhoven



AUTORIDADNAN Italiano a aresta un sospechoso di terrorismo dialuna, cu a bula for di Eindhoven pa Roma. Segun polis, e sospechoso ta un homber di Tajikistan contra kende a emiti un orden internacional di detencion.

E medionan Italiano ta describi e homber como un miembro activo di e organisacion terrorista Estado Islamico (IS). No ta sigur ainda na cual pais e persona aki ta wordo busca. Autoridadnan no a revela esey. Tampoco nan no a referi n'e atake terrorista di luna pasa na Moscow.

Mas cu 140 persona a muri den e atake riba un sala di concierto. E masacre a ser reivindica pa ISIS. Desde e momento ey, autoridadnan Ruso a aresta varios sospechoso di Tajikistan.

E inicialnan di e sospechoso ta I. S., e homber tin nacionalidad di Tajikistan y ta ser bisa cu e tin varios identidad falso. Ta alega cu e lo a haci comosifuera e ta un residente di Uzbekistan, Kirgistan y Ucrania, entre otro. Segun un comunicado, e sospechoso a nace na 1992. Na 2014, e ta bisa cu el a uni cu ISIS como combatiente stranhero na Siria.

Trump ta evita tuma un posicion riba prohibicion di aborto

Door di laga e decision den man di e estadonan individual

EX presidente Donald Trump ta afirma cu legalisacion di aborto mester wordo dicidi p'e estadonan individual, evitando di apoya un prohibicion na nivel nacional.

Trump, exigiendo credito pa revoca Roe v. Wade, ta enfatisa autonomia estatal pa determina e maneho pa cu abortus.

Den e proximo eleccion presidencial, derechonan reproductivo ta surgi como un tema controversial. E candidato democratico Joe Biden ta condena e posicion tuma door di Trump, describiendo esaki manera un intento pa evita responsabilidad p'e decision Roe v. Wade. A pesar di esfuersonan conservador pa restringi acceso na aborto, e encuesta nan ta indica un sosten mayoritario pa aborto legal.

E posicion di Trump ta genera critica di gruponan anti-aborto, mientras cu Senador Lindsey Graham ta boga pa un



norma nacional cu ta limita aborto na 15 siman.

Mientras cu e eleccion ta yegando, ta spera cu e derechonan reproductivo lo influencia e sentimentonan di e votadonan, particularmente den e estadonan decisivo.

El Salvador ta ofrece cinco mil paspoort pa trahado stranhero cualifica



PRESIDENTE di El Salvador, Nayib Bukele, a anuncia un iniciativa destina pa atrae trahado stranhero cualifica pa e pais den un intento pa impulsa su economia. Bukele ta ofrece cinco mil “paspoort gratis” n'e personanan altamente cualifica, manera cientifico, ingeniero, dokter, artista y filosofo. E programa ta duna e beneficiarionan derecho completo di ciudadania, incluyendo privilegio di voto.

Ademas, El Salvador tin planea pa facilita reubicacion di e profesionalnan eliminando impuesto y tarifa riba activo

manera ekipo, software y propiedad intelectual. Bukele a enfatisa e contribucionnan importante cu e profesionalnan aki por haci na futuro di e nacion. E iniciativa aki ta tuma luga den medio di e reformanan controversial di Bukele, incluyendo e adopcion di Bitcoin como moneda legal y un ley di migracion cu ta ofrece ciudadania acelera na e stranheronan cu ta apoya desaroyo social y economico.

A pesar di e criticanan, Bukele ta sostene cu su medidanan a mehora seguridad, maske e oponentenan ta cita preocupacion tocante abuso di derecho humano.

DEPORTE

OCA

deporte@awemainta.com

Resultado Amazonas Valida Equitacion Pereira



DEN weekend tras di lomba, 4 Amazona di Aruba a competi den e Valida Internacional na Pereira, Colombia. Diasabra Emilie Lomans y Zaria de Groot a competi den e categoria di Amazonas Infantil 9-11 aña. Aunke tur dos a haci bon presentacion, no a logra clasifica entre e grupo di 25 amazonas.

Pa Zaria de Groot esaki tabata su prome experiencia Internacional. Mas anochi, Genesis Pietersz a logra keda cu un cuarto puesto den categoria di Amazonas Aficionada 18-20 aña. Genesis a competi riba e cabay Tesoro de Villa Floralina di Criadero Floralina di Aruba.

Diadomingo Courtney Irausquin a logra drenta top 8, pero no a logra keda cu un puesto den e resultado final den e categoria di Amazonas Juvenil 15-17 aña.

Un pabien na tur pa un bunita representacion di Aruba na Colombia.



Power rankings di MLB

DEN e prome dianan di e temporada di MLB, e panorama di baseball ya ta mira algun cambio significativo. Tin teamnan cu a cuminsa cayente, mientras cu otro nan ta confronta problema pa haya nan balansa. Den tur e caos, ta keda un constante: E talento innegabel di Juan Soto.

Pa esnan cu por a perde e overview di wega, no tene miedo: adhun to, pa cortesia di MLB.com y su contribuidornan, AWEMainta ta ofrece un resumen di e ultimo clasificacionnan.

1. Los Angeles Dodgers: Despues di solamente 10 dia, Mookie Betts a tuma posesion di e clasificacion den multiple categorianan estadistico, mustrand o su habilidad general. Mientras Tanto, Shohei Ohtani cu .944 OPS, aunke impresionante, ta pone na number tres den su propio ekipo, un testimonio di e poder di candela ofensivo di Dodgers.

2. Atlanta Braves: A pesar di enfrenta retonan den piche o mas trempan, incluyendo e lesion di Spencer Strider na UCL y e apertura dificil di Max Fried, Braves a sali dilanti durante weekend contra e campeonnan defensor di Liga Nacional. Cu varios hungado cu OPS mas halto cu 1.000, e profundidad di e alinacion di Braves ta demostrando di ta formidabel.

3. New York Yankees: Superando dudanan despues cu Gerrit Cole a lesiona, Yankees a pone respet contra Astros pa despues sigura victoria den serie contra teamnan di playoff di 2023, D-backs y Blue Jays. E regreso di Giancarlo Stanton ta agrega n'e habilidad ofensivo di e team.

4. Texas Ragers: A pesar di retrasonan manera e pols fractura di Josh Jung, Rangers ta mantene e impulso, impulsá pa accionnan prometedor. E piche o strea di Tarik Skubal ta duna speransa den medio di adversidad, mientras e ekipo ta warda e regreso di hungadonan clave.

5. Baltimore Orioles: Un comienso lento p'e ofensivo di Orioles ta genera preocupacion, cu prospectonan remarcabel manera Jordan Westburg y Gunnar Henderson cu ta lucha di trempan. Sinembargo, Jackson Holliday ta ofrece un rayo di speransa cu su accionnan impresionante.

6. Philadelphia Phillies: E salida lento di Trea Turner ta refleha e lucha ofensivo di e team, cu Phillies batiendo .229 colectivamente. Sinembargo, den medio di e retonan, e T-shirtnan di City Connect di e ekipo ta ofrece un 'silver lining'.

7. Detroit Tigers: Un ascenso sorprendente den e clasificacion ta refleha e resiliencia di Detroit Tigers, cu Tarik Skubal emergiendo como competencia pa Cy Young. A pesar di e perdidanan reciente, tin hopi señal di bida na Detroit.



8. Houston Astros: Un comienso lento ta hala atencion, marcando Astro's su prime 5-wega bou di .500 desde di 2016. Preocupacionnan ta rondona Jose Abreu den medio di e lucha ofensivo.

9. Chicago Cubs: Den medio di un division central competitivo di Liga Nacional, Cubs ta impresiona silenciosamente, sigurando victoria contra oponentenan formidabel manera Dodgers.

10. Guardians of Cleveland: A pesar di Shane Bieber su ausencia, Guardians ta prospera riba e montículo, cu un efectividad di strea di e ekipo y un minimo di homerun permiti.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Feyenoord ta sorprende Ajax cu un score di 6-0 na Rotterdam



© FR12.nl

DEN un duele monumental, Feyenoord ta marca un score humillante contra nan rivalnan Ajax, sigurando un victoria di 6-0 na Rotterdam. E triunfo remarcabel aki a marca e victoria mas significativo di Feyenoord riba Ajax, ya cu e gigantes di Amsterdam no a anota den ambos encuentro contra e campeonnan actual pa prome biaha den nan historia ilustre.

Den anticipacion p'e partido aki, e striker estrella di Ajax, Brian Brobbey, a haya su mes ta keinta banki pa motibo di un lesion recien den un tendon, mientras cu Feyenoord a ricibi un impulso na momento cu Bart Nieuwkoop ta pasa un prueba di condicion fisico laat pa aparece den e aliniacion titular.

For di comienso Feyenoord a afirma su dominio, controlando e ritmo di wega. E prome oportunidadnan a cay dilanti Calvin Stengs y Santiago Giménez di Feyenoord, preparando e escenario pa un bataya intenso.

E momento decisivo a yega na minuut 34 ora Igor Paixao a probecha un lapso defensivo di Ahmetcan Kaplan di Ajax, pasando e bala ariba e portero pa duna e bentaha na Feyenoord.

E impulso di Feyenoord a sigui aumenta ora Yankuba Minteh a redobla su bentaha poco despues, cu su golpi desviando Kaplan p'e net. A pesar di esfuersonan di Ajax, incluyendo e oportunidadnan perdi di e scorer Gimenez, di tres mas halto di Eredivisie, nan tawata lucha pa haya nan balans den e partido.

E prome mita a termina cu Feyenoord firmemente den control, lagando Ajax incapaz di registra un solo tiro na porta. E di dos mita no a testigua di un alivio pa Ajax, ya cu Minteh a sigura su doblete cu un tiro di precision n'e skina leu. Otro golnan di Quinten Timber y Paixao a amplia e bentaha di Feyenoord, capitalizando e fayo defensivo di Ajax.

Ora e pito final a zona, Feyenoord a celebra un victoria historico, lagando Ajax recuperando di un perdida devastador. E resultado aki a subliña e retonan cu Ajax ta enfrenta memey di un temporada tumultuoso, agravá pa controversia pafo di e cancha, incluyendo e suspension di Gerente General Alex Kroes pa presunto uzo di informacion privilegia, proyectando un sombra riba futuro di e club cu cede na Amsterdam.

CULTURA Y HISTORIA

Aruba: Nos Rikesa

E rikesa di mas grandi cu Aruba por ofrece nos bishitantenan ta nos hende nan, e Arubiano amabel, cu respet, cu ta domina cuater idioma. Cu tur nos diferencianan di opinion riba cualkier tema cu por ta, ora nos mira nos bandera ta bula den halto sea cu ta na Aruba mes, of na un otro parti di mundo, e ta yena nos cu orguyo.

Cu e mesun orguyo aki, e Team di AWEMainta ta intruduci na'bo e seccion **'ARUBA: Nos Rikesa'**

Den e seccion aki cu lo sali tur siman ariba diamars, nos lo trata historia di antes, custumber di nos hendenan, palabra y frase di nos dushi Papiamento, y duna merito n'e personanan cu a sobresali den cualkier area relata na nos Cultura y Historia.

Team di AWEMainta ta spera cu esaki lo ta un seccion cu lo agrada nos lectornan, e informacion kisas pa algun lo ta nobo, pa otro nan e lo por trece nostalgia, pero semper e lo ta pa nos por sinti nos mes orguyoso di e tesoro mas importante di nos pais: ARUBA: Nos Rikesa

Como prome tema nos ta hiba bo bek na nos monedanan di antes:

1 cen → un cen preto
 2 cen → dos cen
 2 cen y mey → un placa
 5 cen → dos placa of un stuiver
 7 cen y mey → tres placa
 10 cen → un depchi of cuater placa
 12 cen y mey → cinco placa
 15 cen → un ria
 25 cen → dies placa
 30 cen → un doria
 35 cen → doria dos placa
 45 cen → tres ria
 50 cen → yotin
 60 cen → cuater ria
 75 cen → cinco ria
 1.25 → mey fuerte
 1,50 → treyotin
 2.50 → un fuerte of un dolo




COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**
 @caribbeancinemasaruba
 Caribbean Cinemas Aruba

DOWNLOAD OUR APP




Minister Geoffrey Wever:

Parlamento di Aruba a ricibi presentacion riba e Koopkrachtmodel pa Aruba



AYERA 8 di april riba peticion di Minister Geoffrey Wever, Parlamento di Aruba a ricibi un presentacion for di Economisch Bureau Amsterdam cual a elabora riba e proceso pa traha un modelo di poder di compra (“koopkrachtmodel”) pa Aruba. Un “koopkrachtmodel” ta un instrumento necesario cual ta midi e posibel impacto di cambio di maneho di Gobierno riba e poder di compra di hogarnan na Aruba. Pais Aruba pa añanan largo no ta dispone di un modelo importante asina.

Durante tratamiento di begroting 2024 di Ministerio di Asuntonan Economico, Comunicacion y Desaroyo Sostenibel den december 2023, Minister Geoffrey Wever a elabora riba e necesidad grandi pa un “koopkrachtmodel”. Basa riba e necesidad y peticion di Minister Geoffrey Wever, Consejo di Ministerraad riba 12 di januari 2024 a duna aprobacion pa inicia e proceso pa traha un “koopkrachtmodel” pa Aruba. Minister Geoffrey Wever a aloca e fondonan necesario di su begroting pa por traha e “koopkrachtmodel”.

Pahaci proyeccion di desaroyo di nos economia Departamento di Asuntonan Economico, Comercio y Industria ta haci uzo di e modelo macro-economico MARUBA. Pero e modelo MARUBA ta limita solamente na maneho actual, y no ta posibel pa midi e impacto di cambio di maneho di Gobierno riba e poder di compra di hogarnan na Aruba.

Un meta importante di maneho economico ta pa mehora e



poder di compra di tur ciudadano. Pa logra e mehoracion di poder di compra ta necesario pa tin un instrumento manera e “koopkrachtmodel” cu por midi e efecto di cambio di maneho di Gobierno, y a base di esaki por entre otro ilustra unda mester bin adaptacion prome cu implementacion di esaki. Como instrumento, e “koopkrachtmodel” lo contribui pa implementa maneho cu ta beneficia e poder di compra di hogarnan na Aruba.

Traha un “koopkrachtmodel” ta rekeri haci e inversion necesario p’asina Pais Aruba por dispone di un instrumento importante pa traha y implementa maneho cu e fin di mehora poder di compra na Aruba. P’esey ta na su luga pa Parlamento di Aruba ta debidamente informa riba e importancia di inverti den traha un koopkrachtmodel y riba e proceso pa yega na esaki, segun minister Geoffrey Wever.


Den un ehempel di union comunitario

Partido AVP mes mester a drecha Parke di Lago Heights

SIMANNAN despues di a duna Gabinete Wever-Croes e oportunidad di haci algo pa comunidad di Esso Heights y bisindario, diadomingo ultimo a toca n'e propio miembro, candidato y parlamentario di Partido di Pueblo Arubano AVP pa lora manga un biaha mas y tuma accion.

Ta trata di e parke na subida di Lago Heights cu ta den asina un situacion di abandono, cu e hekinan di hero a frustia te cu bin abou. Poniendo schoudernan hunto, AVP a uni forza cu ciudadano di San Nicolas pa haci varios reparacion n'e parke pa elimina asina e peliger cu e falta di mantencion ta crea pa su usuari-onan.

E accion tabata lidera pa activista y prospecto pa candidato, Terrence Ras, kende ta un empresario local y a indica cu e trabounan cu a realisa ayera ta muestra cu AVP no solamente tin un vision di innovacion pa Aruba, pero tambe ta un organisacion cu sa con pa kita bachi y traha na favor di nos pais; sea den proyecto chikito of grandi. Ras ta spera cu e ehempel aki ta uno cu hobennan y henter comunidad por tuma, esta di uni forza y ban traha hunto.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

45%
OFF

FREE
MICROCHIP



Partido AVP:

Falta di vision di MEP a laga un bon scol converti den menasa social pa San Nicolas

FUERA di a haci reparacion necesario n'e Parke di Lago Heights, algun candidato di AVP di San Nicolas hunto cu Parlamentario ing. Mike de Meza a trece dilanti otro ehempel di con e districto ta sufri na man di e falta di atencion y vision di e gobierno actual. For di e ruinan di Scol Don Bosco pariba di Joe Laveist Sport Park, a mostra con loke un tempo tabata un bon scol, awendia ta representa un menasa social pa e comunidad.

De Meza a recorda con despues di a cera den decada 70, e edificio a bira sede di e prome Colegio Arubano na San Nicolas. Na 2009 Gabinete Mike Eman I, a traves di ex minister di enseñansa, mr. Arthur Dowers, a drecha full e scol den un joya di edificio cu un funcion nobo.

Sinembargo, ora cu gobierno di MEP/POR/RED a haci su entrada na 2017, no a haci nada mas cu ne. *"Ta p'esey e gobierno aki ta conoci pa ta esun cu ta cera scol na San Nicolas. Tanto uzo cu por a haya, awe ta un ruina y tristeza,"* asina e parlamentario di AVP a expresa.

"Na luga cu parlamentario di MEP Hendrik Tevreden ta preocupa su mes si Mike de Meza ta subi lista atrobe of no, e mester ta preocupa cu e edificio y muchanan di San Nicolas cu no ta haya debido atencion e importancia."

Candidato Conny Connor, kende ta un maestro di profesion, ta mira e ruinan di Scol Don Bosco como un refleho di e falta di vision di e gobierno actual. Ta dolor pa mira un edificio cu por a sirbi pa deporte, pa enseñansa, pero cu deliberadamente a opta pa lag'e bay perdi. Segun Connor, *"E perdida ta pa abo, ami y nos tur. Y e mesun cos ta sosodiendo rond henter Aruba, pero particularmente na San Nicolas."*

Mientrastanto, candidato Otami Thomasia ta un docente cu a duna les tempo cu e scol tabata den funcion. E ta kere cu Gabinete Wever-Croes a lubida e motibo pakico nan ta caminda nan ta. *"Si ta falta di idea y vision nan tin, nan por bin papia cu e pueblo di San Nicolas pa tende kico tur nan tin mester,"* Thomasia a laga sa.

For di e angulo di un ex estudiante, tambe di Scol Don Bosco, Terrence Ras ta recorda e bon condicion cu e scol tabata aden. Awendia, como adulto, e ta mira con e ruinan aki, obviamente frecuente pa adicto ambulante y otro antisocial, ta entre St. Augustinus School y Paulus School y e ta preocupa cu gobierno a crea un luga caminda facilmente un hende cu menos bon tin intencion por haci malo na e



muchanan di e area.

Aunke e peticion di AVP na Gabinete Wever-Croes II pa drecha Parke Lago Heights no a haya oido, ta spera cu e biaha aki si coalicion MEP/RAIZ por pone man na curason y haci algo na beneficio di e pueblo di San Nicolas y su seguridad.

Realisa e cas di soño cu e Campaña 'Perfect Pieces, Perfect Mortgage' di Aruba Bank!



REALISA bo cas cu e campaña 'Perfect Pieces, Perfect Mortgage' di Aruba Bank. E campaña aki ta diseña, p'e cliente cu kier cumpra, construi, of refinancia su cas. Sea bo kier realisa bo prome cas, of ta desea di "upgrade" bo cas existente, nos Mortgage Advisors ta cla pa guia e cliente, paso pa paso, den cada fase di e proceso.

Sra. Lizani Wever, Manager Retail Sales and Services, ta comparti, "Nos campaña 'Perfect Pieces, Perfect Mortgage' ta diseña pa haci bo propio cas un realidad. Nos ta ofrece tarificanan competitivo, financiamiento cu ta fit cu e situacion di cada persona, e opcion di cumpra awor y cuminsa paga despues di 6 luna, y financiamiento cu por bay te cu 30 aña. Aplica awe mes riba www.arubabank.com/perfectmortgage, y explora tur beneficio y tuma e prome paso pa realisa e cas di bo soño."

Tambe, e campaña di "Perfect Pieces, Perfect Mortgage", ta ofrece e cliente oportunidad pa gana CASH PRIZES: Probecha di e oferta special aki cu ta valido te cu dia 30 di juni, 2024. Pues, tur aplicante desde awe te cu dia 30 di juni, 2024, ta participa pa gana! Lo reparti un total di 30 mil florin den premio. E premio mayor lo ta AWG. 15,000, segundo premio lo ta AWG 10,000 y lo saca 5 ganado tambe di cada un AWG 1,000.- CASH.

Bo tin plan pa refinancia bo cas existente? Pa cliente existente tin e opcion di cumpra awor y cuminsa paga despues di 3 luna. Pa aplicante cu ta desea di refinancia un suma di AWG. 50,000 of mas, tambe ta participa pa gana un di e



premionan si aplica prome cu dia 30 di juni, 2024.

Pa aplica ta facil, simplemente, traha bo cita via nos E-Appointment. Bishita www.arubabank.com/perfectmortgage y scoge e fecha di bo preferencia. Especialmente pa e promocion aki, tambe ta brinda oportunidad pa traha cita ariba diasabra, 20 di april y 4 di mei, 2024, for di 9 AM pa 1 PM na nos sucursal na Camacuri.

Sigui nos host, Larissa Bermudez, y su entrevistanan cu nos Mortgage Advisors, y ricibi recomendacion y conseho pa abo tambe por logra bo propio cas. Tur cos ta cuminsa asina bo registra aki: www.arubabank.com/perfectmortgage.

Aruba Bank ta compromete na yuda bo tuma e miho decisionnan pa bo bira e doño di bo propio cas. Registra awe mes y descubri con Aruba Bank por yuda bo pone e "perfect pieces" hunto, pa asina abo por logra ta doño di bo propio hogar.

Minister Geoffrey Wever:

A lansa e website Aruba showcase pa productonan local



FIN di Maart den un ambiente ameno na Sun Plaza Minister di Asuntonan Economico, Comunicacion y Desaroyo Sostenibel Geoffrey Wever hunto cu DEACI y Expodesk a lansa e webpage yama Aruba Showcase (<https://www.exprodesk.com/showcase-products/>). Un pagina specialmente pa nos entrepreneurs local. Riba e pagina aki productonan local tin e oportunidad di por showcase nan productonan pa por exporta esaki.

Durante e evento tabata tin diferente stands cu producto nan local pa admira cu ja caba ta obtenibel riba nos mercado local manera Chocolati, Pica, Biña, Souvenirs, Arte y mucho mas. Esaki ta un muestra cu nos tin diferente hende local cu ta produci productonan localmente.

“Mi ta contento di por mira diferente entrepreneurs local cu nan productonan para aki awe”, Minister Wever a cuminsa ta bisa, “Cu e website aki nos kier crea un plataforma unda tur esnan cu tin un producto produci aki na Aruba por showcase nan producto.”

E plataforma aki tambe ta parti di e vision di Minister Wever pa duna nos entrepreneurs local e sosten y tools necesario pa ta mas exitoso posibel.

Minister Wever a termina ta gradici e team di DEACI y Expodesk p’e tremendo trabou desplega.

Minister Wever kier a encurasha tur esnan cu tin un producto pa tuma contacto cu Expodesk pa asina nan tambe por showcase nan producto riba e Plataforma nobo aki completamente gratis.



Relaciona cu Luna Nacional Contra Abuso di Mucha ta presenta

Charlanan informativo: Conscientisacion y prevencion di abuso di mucha



UNIENDO n'e lucha y conscientisacion mundial di e problema serio di abuso y abuso sexual di mucha, Gabinete Wever-Croes II a decreta luna di April como Luna Nacional Contra Abuso di Mucha. Ya durante e siman tras di luna, a tuma nota di movecionnan di diferente instancianan riba e tema aki. Prome Minister Evelyn Wever-Croes, den nomber di Gobierno di Aruba ta pidi tur ciudadano pa sigui compromete nan mes y uni den e lucha pa proteha nos muchanan, percurando asina pa nada malo pasa nan y ofrece nan tur clase di amor y cariño pa asina nan por crece feliz y bira adultonan cu por carga e pais aki.

Relaciona cu Luna Nacional Contra Abuso di Mucha, luna di conscientisacion, Fundacion Mi Voz ta bo Voz, Comision Nacional di Abuso Sexual di Mucha y Gobierno di Aruba ta presenta charlanan informativo: Conscientisacion y Prevencion di Abuso di Mucha. E anochinan informativo aki lo cuminsa di 7or PM y termina pa 9or PM y lo tuma lugar riba e siguiente fecha y localidadnan di MFA durante luna di april.

- Diahuebs 11 di april, MFA Noord.
- Diahuebs 18 di april, MFA Paradera.
- Diahuebs 25 di april, MFA Savaneta.
- Diamars 30 di april, MFA Santa Cruz.

E oradornan cu lo brinda informacion e anochinan di charla ta profesionalnan na Aruba cu ta trahando cu y

tratando casonan di abuso di menor den nan diferente areanan di trabou. E oradornan ta: Drs. Melva Croes-Yanez, NeuroPsycoloog; Dr. Audrey Khan, Klinische Psycoloog; Sra. Magali Maduro, Directora Bureau Sostenemi. Sra. Omaira Britten, Poeta.

E anochinan informativo aki lo brinda informacionnan clave riba con pa reconoce e señalnan di abuso sexual di muchanan; e impacto riba e victima y famianan; y con cada ciudadano por hunga su parti den prevencion y intervencion. Participando den e eventonan aki, bo no solamente ta habilita bo mes cu conocimiento riba e tema aki, pero tambe bo ta contribui na un cultura di conscientisacion y proteccion contra abuso sexual di muchanan. Hunto, laga nos uni forsa den nos compromiso pa proteha e bienestar y dignidad di cada mucha na Aruba.

“Ban uni den e iniciativa vital aki pa aumenta conscientisacion y combati e problema alarmante di abuso sexual di muchanan. Cada mucha merece un ambiente sigur y cuido, liber di emensa di abuso y explotacion. Desafortunadamente, abuso sexual di muchanan ta keda un problema persistente mundialmente, incluso den nos mesun comunidad y hogarnan na Aruba. Ta esencial cu nos uni nos forsa pa educa nos mes, proteha nos muchanan, y traha pa crea un futuro mas sigur pa nan”, Prome Minister Evelyn Wever-Croes a expresa.



The middle section of the poster features a background image of a cafe interior. The image is slightly faded and has a green tint. It shows several wooden tables and chairs, some with green cushions. Large tropical plants are visible in the background. Overlaid on this image is the text 'COME IN WE'RE OPEN' in a large, bold, orange font with a white outline and a slight 3D effect. The text is arranged in three lines: 'COME IN', 'WE'RE', and 'OPEN'.

CAYA HARMONIA 1. LOKAAL 2
NOORD (PATRAS CITGO SASAKI)



Tarta de crema francesa

UN postre realmente refrescante de la cocina francesa: [el pastel](#) francés. Esta capa de gelatina [de cereza](#) le da un sabor refrescante muy fino, pero tampoco demasiado fuerte, solo lo suficiente para diluir un poco el crepe. Como los franceses no usan flanes, nosotros tampoco los usaremos.

Receta

TIEMPO PREVIO: 45 minutos

HORA DE COCINAR: 45 minutos

TIEMPO TOTAL: 1 hora 30 minutos

4 SERVICIO

Ingredientes:

6 huevos grandes
10,5 onzas. Azúcar
7 onzas Almidón / densidad / almidón
5.2 taza de leche
Un poco de extracto de vainilla
1,7 onzas. Manteca

Para añadir a la segunda parte de la nata:

7 onzas Mantequilla ablandada
0,7 taza de crema agridulce

Crema de yema de huevo:

1 taza de crema agridulce
2 piezas de masa

Jalea de cereza:

14,1 onzas. cerezas deshuesadas
3,5 onzas. Azúcar
1,7 onzas. Maicena
0,35 taza de agua
Azúcar en polvo

Direcciones:

1. Batir 6 huevos enteros con el azúcar añadido. Agregamos harina de almidón o almidón a los huevos. Mezclar todo y verter en él unos 2 dl de leche.

2. Vierte la leche en una olla más grande y ponla al fuego. Antes de que hierva la leche, vierte un poco de leche caliente sobre las yemas y el espesante. No echamos todo, volvemos a poner el resto al fuego. Revuelva esto bien.

3. Y volvemos a verter todo en la leche. Reduzca el fuego a medio y cocine hasta que espese.

4. Añade inmediatamente un poco de extracto de vainilla a la nata. Agrega la mantequilla y ahora lo mezclamos todo junto.

5. Verter la nata así obtenida en un bol. Aplanar, cubrir con papel aluminio y dejar enfriar.

6. Mientras esperamos que se enfríe nuestro relleno, extendemos 2 láminas de masa. Ahora bien, si compraste congeladas, tienes que descongelarlas previamente, y si compraste esta masa ya hecha, simplemente extiéndela. Entonces no importa, tendremos que estirar



ambos.

7. En la bandeja inversa ponemos papel y ahora lo más sencillo es tirar de la bandeja que tenemos delante. Y le damos la vuelta a la masa. Espolvoreamos un poco de harina y la estiramos ligeramente.

8. Después de extender la masa la pinchamos un poco con un tenedor para que no se hinche demasiado. Y mientras hacíamos esto, se calentó nuestro horno a 392 °F/200 °C, lo llevamos a hornear. Hornea la masa durante 15-20 minutos. Mientras horneamos la primera masa, extendemos también la segunda, de modo que en cuanto saquemos la primera masa ya esté lista la segunda.

9. Mientras la corteza esté caliente, córtala según la bandeja.

10. Nuestra segunda corteza estaba horneada, la horneamos un poco más que la primera. Porque cuando se enfríe lo trituraremos para que quede finamente crujiente.

11. Ya sean cerezas congeladas o frescas, las mueles juntas, para que no exprimamos el jugo. En una olla pequeña ponemos las cerezas molidas. Luego agregamos azúcar. Y dejar hervir a fuego lento.

12. Cuando la masa hirvió, la dejamos hervir así durante unos 30 segundos. Y luego agregue y mezcle la maicena y revuelva. Lo dejamos enfriar revolviendo de vez en cuando.

13. Montar la crema de vainilla enfriada con una batidora. Luego agregue la mantequilla blanda.

14. luego añadir 200ml de nata agridulce, pero batir continuamente con una batidora de mano. Al final mezclamos un poco con una espátula y nuestro relleno está listo.

15. Aplicar la mayor parte de la crema sobre la corteza. Aproximadamente 2/3. Aplicar a continuación, tibia, esta crema de gelatina de cereza.

16. Añadimos 300ml de nata agridulce al resto de la nata, vertiendo de nuevo un poco y removiendo. Nuevamente mezclamos todo con una espátula y esta parte ya nos queda lista.

17. Sobre la crema de cerezas ponemos este relleno.

18. ¡Deja enfriar el bizcocho en el frigorífico y a disfrutar!

Fortaleza pa Famia

Ta Dios mes ta dicidi, cu tur cos lo sali na cla

AY di esnan cu ta pensa cu nan por tira piedra sconde man y haci cosnan scondi y kere cu nunca e lo sali na cla, pasobra e palabra di Dios, ta priminti tur hende lo siguiente:

Pasobra no tin nada scondi, cu lo no wordo revela, ni nada secreto cu lo no bira conoci y sali na cla (Lucas 8:17).

No tin nada tapa cu lo no wordo revela, y nada scondi cu hende lo no haya sa. P'esey tur loke boso papia, den scuridat lo wordo tendi den claridad, y loke boso papia keto, keto den e cambenan mas paden, lo wordo proclama for di riba dak.

No ta existi crimen perfecto, ni maldad y inmoralidad cu Dios Todopoderoso lo no saca na cla. Tur esnan cu ta tuma malo haci bon, of ta coopera cu inhusticia y inmoralidad, lo sali na cla pa asina nan duna cuenta na Dios.

P'esey no sigui husga prome cu tempo, ma warda te ora Señor bin. Kende lo trece na cla e cosnan scondi den scuridat, y descubri e intencionnan di curason di hende y e ora ey cada hende lo ricibi su elogio for di Dios (1 Corintionan 4:5).

For di scuridat E ta revela misterionan, y ta trece scuridat profundo na luz (Job 12:22)
E ta kita inteligencia for di cabesantenan di e pueblonan di tera, y ta haci nan cana dwaal den un luga desola, unda no tin caminda (Job 12:24).

Dios nunca por ricibi sorpresa di hende, ta hende lo ricibi sorpresa di Dios, hende nunca por gaña of haci bofon di Dios, pasobra tur locual hende sembra nan lo cosecha (Galationan 6:7).

P'esey sin ningun clase di miedo, duda, of manipulacion nos mester pone nos hubentud bon na altura di e palabra di Dios, pasobra e tempo di cos di mucha mal cria, cos di baldadi, of chansa barata a bay for di moda, locual tabata wordo tolera un tempo, awor no ta wordo tolera mas, tur cos tin su consecuencia tardi of tempran.

Cerca Dios tin sabiduria y poder, conseho y comprendemento ta pertenece na Dios. Mira E ta basha abao, y esey no por wordo lanta mas, E ta coy e hende preso, y no por tin liberacion pe (Job 12:13-14).

Ta solamente Dios por libra nos di e tempo trabahoso den



cual nos ta biba, ta solamente cu obediencia na Dios nos lo tin victoria.

Esun cu bisa mi: Mi conoce y no ta warda su mandamentonan, ta un gañado y e berdad no ta den dje, ma esun cu warda Su palabra, den dje e amor di Dios a wordo perfecciona berdaderamente (1 Juan 2:4-5)

Pasobra no tin nada scondi cu lo no wordo revela, ni nada no a keda teni secreto, cu lo no sali na cla. Si un hende tin horea pa tende, lage tende (Marco 4:22).

Sabiduria di Dios ta riba tur cos, p'esey si un hende tin mester di sabiduria lage pidi Dios, Kende ta duna na tur hende generosamente y sin reproche.

Pasobra locual hende ta yama sabiduria di mundo, ta contene tur sorto di maldad, envidia, y falsedad,

Den tur cos nos mester realisa cu Dios, ta Soberano, y cuanto cu hende por pensa cu nan por laga Dios afo for di nan asunto, pasobra nan ta bon na altura cu Dios no ta di acuerdo cu nada cu ta contene impuresa. Dios lo tene nan responsabel, pasobra Dios no ta chansa.


Laga nos tur ta fiel na Dios, y aparta for di maldad.

Sinceramente, Pastor Marcel Balootje

No para na mi graf y yora.
Mi no t'ey. Mi no ta drumi.
Mi ta e tantisimo biento cu ta supla.
Mi ta e respandor di diamanta cu riba sneu ta briya.
Mi ta e luz di solo cu ta riba e maishinan hecho
Mi ta e yobida suave di fin di aña.
Mi ta e subida repentino
di e parhanan silencioso cu ta bula rond
Ora bo spierta den kietud di mainta.
Mi ta e streanan suave cu anochi ta briya.
No para na mi graf y yora.
Mi no t'ey. Mi no a muri.
Su inmenso tristesa na nos curason, pero conforme cu Dios
su bondad nos tin e tristo deber di participa favecimento di:

**Sr. Albino
Thomas Croes**

Miher conoci como "Ale".
*18-09-1937-†3-04-2024



Na number di su yiunan:

Jeanette D. Croes y Roy Solognier
 †Frederick A. Croes y yunan
 Gino A. Croes y Maureen Bennett na Hulanda.

Mavornan:

†Federico y †Maria Josefa Croes-Hernandis

Rumannan:

†Freddy Croes y famia na Hulanda.
 †Carmen Wernet-Croes y † Jacobo Wernet
 †Filomena Lacle-Croes y † Rafael Lacle
 †Juana Cansia Croes

Sobrinonan:

†Erick Wernet y familia
Emile Croes
Ermond Lacle
Sheldon Lacle y Miangely Faro y familia
Sherwin Lacle

Nietonan:

Katiuzka y Robert Lakeman y famia na Hulanda.
Suejean y Shurol Hazel y famia na Hulanda.
Kizzy Liv na Francia.
Moshe, Sarah.
Natselane na Hulanda.
Michenu y yiunan na Hulanda.
Litza y famia na Hulanda.
Axel y famia.
Gihailyn.
Aldwin na Huanda.
y bisanietonan na Aruba y Hulanda

Mama di su yiunan:

Colastica Henriquez y Enrique Fingal

Manera famia: Zulaica Quanduas y yiunan

Su iha: Olvine Pietersz-Rollock y famia

Su bon amigonan:

Renzino Gomez y familia
Jacky Starke-Eckmeyer y familia
Persey Jeandor

Primo y primanan mucho hopi pa menciona, bisña y conocinan.
Su ex coleganan na SETAR security

Un danki special na personal di SABA seccion San Nicolas, Faith & Hope

Demas famia:

Croes, Solognier, Bennet, de Cuba, Dirksz, Geerman, Cardona,
Barcarcel-Garcia, Lakeman, Salas, Hazel, Quijada, Jacobs,
Emerenciana, Hernandis, Wernet, Lacle, Yarzagaray, Hernandez,
Arends, Kock, Faro, Bareño, Henriquez, Qandus, Rollock, Pierers,
Fingal, Gomez, Starke-Eckmeyer, Jeandor

Ta invita pa acto di despedida cual lo tuma luga na Olive Tree Funeral Care & Crematory na Piedra Plat, **diananson 10 di April** di 9 or pa 11 or di mainta.

Acto di cremacion lo tuma luga den seno familiar.

Nos ta lamenta cu despues di despedida no ta ricibi bishita di
condolencia na cas. Nos disculpa si den nos tristesa nos por a lubida di
menciona un of otro famia y amistad

'Fundacion Respeta Mi' a bira victima di hacking riba Facebook

E facebook page di 'Fundacion Respeta Mi' tabata conta cu mas di 8000 followers y tabata un manera strategico pa yuda conscientisa riba e tema di abuso di mucha y preveni abuso di mucha na Aruba.

Lamentablemente nos no tin acceso mas n'e page aki y mester a habri un page nobo. Aki nos ta manda e link p'e FB page nobo:

<https://www.facebook.com/profile.php?id=61558025282396>



Nos ta pidi tur hende pa share, like, follow y invite mas hende posibel p'asina nos por yega mas hende posibel cu e mensahe di prevencion di abuso di mucha.



DEPARTMENT OF CIVIL AVIATION
ARUBA



Na number di Staff y Personal di
Departamento di Aviacion Civil Aruba

Ta anuncia fayecimento di nos estimado previo colega, Manager, Director Interino

Sr. Louis Valentino (Tito) Reed

*10-08-1954 + 28-03-2024

Acto di condolencia lo tuma lugar, Dialuna 8 april 2024 for di 7'or pa 9'or di anochi na Royal Funeral Home.
Acto di entierio lo tuma lugar, Diamars 9 april 2024 for di 2'or pa 4'or di atardi na Royal Funeral Home.

Alavez nos ta extende palabranan di profundo condolencia na famianan di Sr. Reed y cu su alma sosega na paz.




"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Nos ta anuncia fayecimento di:

Eugene Jacintho Roberts

*17-08-1968 - †05-04-2024

Acto di entiero lo wordo anuncia despues.




"Dios ta amor...
y amor ta Dios,
maske mi no ta na e mundo aki,
tur dia lo mi ta banda di boso Curazon, mi por
stens di loke Señor ta hasi"
Salmo 33

Nos ta anuncia fayecimento di:

Jose Antonio Arends

Cariñosamente yama "Jo" of "Pacholo"
*11-02-1943 - †27-03-2024

Acto di despedida lo wordo anuncia despues



Bendicion y bondad di Señor ta compaña mi tur
dia di mi bida, lo mi biba den cas di Señor henter
mi bida largo

Cu dolor na nos curason, nos ta participa
fayecimento di nos ser stima:

Sra.vda. Anita B. Brouwer-Jonkhout

Cariñosamente yama "Thies"
*22-03-1938 - †07-04-2024

Acto di entiero lo wordo anuncia despues



"I lift up my eyes to the mountains - where does my help
come from? My help comes from the LORD, the maker
of heaven and earth."
Psalm 121:1-2

"Love bears all things, believes all things, hopes all things,
endures all things." 1 Corinthians 13:7

With deep sympathy and great sadness in our hearts we
announce the passing of our beloved husband, father,
grandfather, great-grandfather, brother, cousin, uncle
and good friend.

Louis Valentino Reed

Better known as "Tito" or "Tatie"
Sunrise: *10 - 08 - 1954 Sunset: †28 - 03- 2024

Left to mourn are his:
Wife: Aura Reed-Goedhoop

Children: Dyainisie Reed
Daniece Alexander-Reed & Alexis Alexander

Grandchildren:
Dhyronne Reed & Shaghira Vorst
Xaenah Alexander
Xervantez Alexander

Great-grandchild: Shaydionne Reed

Brothers and Sisters:
Don Fernando Reed, Maritza Reed-Reyes & family
Mercedes Reed & family
†Theresa Reed & family
Jacklien Croes-Reed, Rupert Croes & family
†Anna Reed & family
†Maria Lake & family

In-laws: Erwin Goedhoop, Carmelita Goedhoop-Palmtak
& family
Franklin Goedhoop & family
†Mavis Goedhoop
Stanley Goedhoop & Andrea Goedhoop-Meacheaj
Murwin Goedhoop, Claudia Goedhoop-Biegel & family
Johnny Goedhoop
Arthur Goedhoop, Carol Goedhoop-Dixon & family
Sonja Gerardus-Goedhoop, Ellis Gerardus & family

Nephews & Nieces:
George, Jessenia, Nathalie, Joulaiika, Benjamin,
Mandingo, Stacey, Sherman, Shannon, Nadine,
Eugene, Melissa, †Aaron, Andres, Aitza, Stefani, Tawana,
Fernando, Angela, Bryan, Stefan, Jessica, Khiany

Best Friend: Arthur Goedhoop

Cousins and Godchildren to numerous to mention

Ex colleagues from:
Directie Luchtvaart Aruba, ACTAA and Supervisory Board
of ANSA

Family & Friends in Aruba, Curaçao, Canada, Dominican
Republic, St. Maarten,
The USA, The Netherlands and Suriname

Reed, Goedhoop, Alexander, Lake, Jean Baptiste,
Joseph Felix, Groeneveldt, Croes, Wilson, Richardson,
Buchan, Hassell, Buddy, Arduin, Dania, Havertong,
Segura Tavaréz, Ventura, Reyes, Vorst, Robert, Montas,
Everts, Anthony, Dickens, Gibson, Diaz, Guillén.

Special thanks to Dr. Fernandes and Koningin Wilhelmina
Fonds Aruba.

Our apologies if we forgot to mention any family
member in our time of grief.

Opportunity for condolences will be held on **Monday 8 of
April 2024** at Royal Funeral Home from 7 pm to 9 pm.

The funeral will take place on **Tuesday 9 of April 2024** at
Royal Funeral Home
From 2 pm to 4 pm. Cremation will take place in close
family circle

Instead of wreaths and flower there will be a donation
box for: Koningin Wilhelmina Fonds

We apologize that after the funeral service we cannot
accept condolences at home.



"Dios ta amor ... y amor ta Dios
maske mi no ta na e mundo aki, tur dia lo mi ta
banda di boso Curason, mi por stens di loke Señor
ta haci"
Salmo 33

Cu dolor na nos Curason nos ta participa
fayecimento di nos Mama, Grandma y Ruman
stima.

Sra. Vda. Filotea Peterson-Ruiz

Cariñosamente yama "Chichi"
*30-03-1928 - †01-04-2024

Casa:
†Louis E. Peterson

Su yiuinan:
Louis M. Peterson y †Myrta M. Peterson-Diaz
Irene F. Peterson y †Paul R. (Dadou) Croes
†Danny D. Peterson y Shirley Peterson-Semeleer
Ivy D. Goeloe-Peterson y Mike A. Goeloe

Su nieta y nietonan:
Ryan Peterson y Tatiana Peterson-Peña
Jason Peterson y Sally Meier
Adriel A. Anderson y Vivian Anderson
Nicolle I. Anderson y Edward Cunningham
Shanny Westerburger-Peterson y Andrew
Westerburger
Chelsea Olarte-Peterson y Cesar Olarte
Quinn Goeloe
Leona Goeloe

Bisanieta y Bisanietonan:
Amelie Peterson
Xavier y Zackary Anderson
Branden Cunningham
Chleopatra D. Olarte-Peterson

Su rumannan:
†Nel y †Betty Ruiz y fam.
Frida y †Eddy Thielman-Ruiz y fam.
†Violet Ruiz
Lester Ruiz
†Eddy y Margo Ruiz y fam.
Donald y Mirtha Ruiz y fam.
Aida y †Chelito Solognier-Ruiz y fam.
†Frank y †Jessica Ruiz y fam.
Peggy y Jule Arindelle-Ruiz y fam.
Flossy Ruiz
†Jenny Ruiz y fam.
Tur Su Subrina y Subrino nan Hopi Stima

Demas Famia:
Peterson, Semeleer, Diaz, Solognier, Arindelle,
Goeloe, Thielman, Croes, Ruiz, Westerburger,
Hodge, Weller, de Kort, Loe-A-Tjam, Greaux, v/d
Linde, Peña, Hassell, Pers, Jacobs, Lopez, Yanga,
Meier y Amistad nan serca

Bisiña Hopi Stima:
Chris Thielman

**Un Danki special pa tur e ayudo pa cu nos Mama
na:**
Maureen Oswald y Marshalle Davis

Nos ta pidi nos desculpa si den nos tristeza nos por
a lubida algun familiar, amistad, conocir di nos
difunto stima.

E acto di despedida lo tuma lugar **dianan,**
10 di april di 9:00 am pa 11 am di mainta na
Pray Funeral Home, despues ta sali pa Santana
Catolico di San Nicolaas

Despues di entiero no ta ricibi bishita di
condolencia na cas.

Blessed

ARE THE PURE IN HEART,
FOR THEY WILL SEE GOD.

MATTHEW 5:8



“ Dios ta amor...y amor ta Dios, maske mi no ta na e mundo aki, tur dia lo mi ta banda di boso curason, mi por stens di loke Señor ta haci “
Salmo 33

Duna amor - Pa ricibi amor
Bida ta cortico - Asina ta haci bon
Pa ricibi bon - Y semper cu un sonrisa
Amor ta haci tur cos bunita

A bay sosega den brasa di Señor
E AMOR , ALEGRIA Y PILAR DI NOS BIDA
Casa , tata, opa, ruman, omo, primo, sua, amigo

Jacobo G. Pourier

“ Shonco – omo – Jacob “

*11 – 09 – 1941 E unico prins di famia a nace pa alegre famia
†28 – 03 – 2024 Diahuebs Santo Papa Dios a habri su mannan
y a tume den su Reino

Su casa stima:
Yvonne Pourier – Figueira

Su yiunan:
† Juni y Bea
Jaïr y Rutger

Su nieto – y nietanan:
Miguel y Rachel
Sergio y Chantal
Dominique y Keanu
Alyssa

Su rumannan:
† Maria Coleta Pourier
† Rosa Roga
† Isabel Vrolijk
Elba (Yela) Pourier
Carmensita Pourier

Su sua – y cuñanan:
Terry y Marilyn Figueira - Dadson
† Janet Figueira
† Freddy Figueira
Dorothy y Lucho Koolman y famia
Pio Figueira y famia
Yvette y Johnny Henriquez y famia
Sandra Figueira
Diana y Carlos Maduro y famia

Su mascotanan:
Electra – Poeki – Zoefi

Su amigo cu a yudele te final:
Candido Tromp

Esun cu a cuidele cu amor y cariño:
Leydi y yiu Keiner

Un danki special na :
Dkt. Sharline Vis y su ayudantenan Veroushka y Viveca

Tur subrino – y subrinanan, sobresubrino – y sobresubrinanan, primo – y primanan,
Amigo – y amiganan,bisiñanan, conocirnan, ex – coleganan di N.V. Elmar y CDE y demas famia

Ta invita pa e acto di condolencia: dialuna 8 di april na Aurora Funeral Home di 7 or pa 9 or di anochi

Acto di entiero: diamars 9 di april na Misa Maria Inmaculada Concepcion na Sta Cruz
Di 9 or pa 11 or di mainta Y despues pa santana catolico Santa Maria na Sta Cruz

Despues di entiero no ta ricibi bishita na cas



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu inmenso dolor na nos curason, pero conforme cu Dios su boluntad, nos ta anuncia fayecimento di nos mama, wela, bisawela y tanta stima:

Imelda Maduro

Mihor conoci como “Meme”
*12-11-1932 - † 03-04 -2024

Na nomber di su:
Tata: †Marcelo Maduro

Mama: †Simeona Maduro-Gomez

Yiu(nan):
Orlando y Astrid Orman-Kock y famia
Anne-Marie Orman
†Erwin Orman
Anneke y Eric Semeleer-Orman
Evelyn Orman
Ivan Orman y Shareen Tromp

†Su rumannan den feliz memoria

Nieta(nan):
Orlanda Orman y Christopher Blijden
Roxanne y Igor Kock-Croes
Kary-Ann Semeleer y Deion Werleman
Hennely Orman

Nieto(nan):
Brian y Haley Semeleer-Davidson
Rai v/der Dijns y Claudia Dos Santos
Brandel Bardouille y Xena Semeleer
Randel y Mark Orman

Bisanieta(nan):
Ilyona, Izalea Kock
Elyza, Alyzé Semeleer
Alyxa v/der Dijns

Bisanieto:
Cain v/der Dijns

Tanta y omonan, primo y primanan, sobrino y sobrinanan

Tata y mama di su nieto(a)nan:
David v/der Dijns, Bernard Bardouille, Christina Gonzalez y Satya Heinze

Iha(nan):
Elaine Toppenberg
Brinchie Chirino

Su amiga(nan):
Claudia Heinze
Regina Kock y Filomena Dubero

Demas famia:
Maduro, Orman, Gomez, Semeleer, v/der Dijns, Croes, Bardouille, Werleman, Tromp, Pietersz, Sambo, Kelly, Quandus, Marchena, Martha, Gonzalez, Kock, Cornelie, Zievinger, Davidson, Heinze, de Kort, Raghunath, NG, Jansen, Harms

Ta invita pa acto di condolencia y entiero cual lo tuma lugar na Misa San Francisco na Playa diahuebs 11 di April 2024 di 9'or pa 11'or di mainta. Despues lo sali pa Santana Centraal Sabana Basora.

Nos ta pidi disculpa si den nos tristesa nos por a lubida un of otro famia.
Despues di entiero nos no por ricibi bishita di condolencia na cas.



Gradicimento / Invitacion

Na nomber di su ruman nan y demas famia, nos kier a manda palabra di gradicimento di curason, pa tur esnan cu di un forma of otro a compaña nos na ora di entiero di nos difunto stima:

Karel Croes (Calito)

Danki na tur e yamada/ whatsapp nan y na tur esnan cu a manda flor y krans.
Danki na personal y clientenan di Cas di Machi.
Danki na Etienne Yarzagaray, na Dr Singh y na Aurora funeral Home pa nan bon servicio.

Boso atencion tabata un gran sosten pa nos.
Alabes nos kier a invita boso na 1 Santo Sacrificio di misa, diamars 9 April pa 7 or anochi na misa Inmaculada Concepcion na Santa Cruz.



Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason, nos ta participa fayecimento di nos ser kerí:

Sra. vda. Melida Maria Lewis-Peguero

Cariñosamente yama “Nelly”
*27-08-1941 - †05-04-2024

Acto di entiero lo wordo anuncia despues



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu inmenso dolor na nos curason, nos ta anuncia fayecimento di

Welbin A. Vidal

*01-04-1990 - † 30-03 -2024

Acto di entiero lo wordo anuncia despues



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com